




Biblioteka Jagiellońska



stdr0000123



594762-

-594779 II

Mag. St. Dr.

Silesiaca.

In hoc Tomo continentur:

1. Martini Hanckii de Silesiorum Rebus Exercitationes.
2. ————— de Silesior. Nominibus.
3. ————— de Siles. Majoribus.
4. ————— de Silesiis indigenis eruditis.
5. ————— de Sil. alienigenis eruditis.
6. Job. Henr. Cunradi Silesia Togata.
7. M. Ebnl. Shtess Ep: de Urnis Lignicenfibus.
8. Df: Schurzkeifchii: de Lemmatibus Historiis ad Silesiam
pertinentibus.
9. Df: Gurd: de Originibus Lignicii.
10. Df: Wernsdorffii: de Fanaticis Silesiorum.
11. Df: Löschneri: de Schwengfeldismo in pietismo redivivo.
12. Quagii Miscell. Literaria de incolis Silesior. Scriptores
Spec. I. et II.
13. Gottlob Kranzii: Memorabilia Bibliothecae Vratisl. Elisabethanae.
14. Coleri Oratio de Bibliotheca Maria-Magdalana.
15. Df: Jacobi: de Terra medicata Silesiae.
16. Df: Eyseli: de Uromantia in Silf. necessaria.
17. Df: M. Sommeri: de Onoplogia Silesiorum.

Ad hoc Argument: Per: Lilestac: pertinent:

1. *Diss. Jos. Sam. Ströckii: De Jure singulari Vindobonensi*
in processu. quam vid. in Vol. 1. *Dissp. near. Dissp. XVIII.*
2. *Diss. Sam. Ströckii: De Jure Silesior. Saxonico. Vol. II. Dissp. Dissp. I.*
3. *Sam. Ströckii: De Feudis Ducatum Siles. Svidnicensis et*
Jaunivienfis. Vol. II. Dissp. II.
4. *Diss. Feltzer: De Consuet. Boloniar II. Ducis Siles. De Successione*
ab intestato. Vol. II. Dissp. III.
5. *Panegyris Kölbings à Piffchmanno Gyno. Zittav. conscripta de Familia*
Comitum à Rbeder. in Fasciculo meo Programatur.

Ex D. Patris mei Bibliotheca huc faciunt:

Lignif. Stabulum.
 nobis Lignif. Lend. ording.
 Lignif. Privilegia.
 Chronicon Bohemice.
 Gedeasti Comentar. in Priv. Regni Bohemice.
 Schickfusii Jur feudale Hefine.

CHRISTIANI RUNGII
MISCELLANEA
LITERARIA

De
Quibusdam ineditis Historiæ Silesia-
cæ Scriptoribus ac Operibus.

Specimen II.



Wratistavia, apud Es. Fellgibelii Viduam & Hæredes. 1713.

•
BRIGAE,
IMPRESSUM APUD B. GODOFREDI GRÜNDERI VIDUAM.

BIBLIOTHECA
UNIV. JACELL.
CRACOVENSIS

594773

II

ILLUSTRI GENEROSOQUE
DOMINO
MELCHIORI
FRIDERICO
de
STOSCH,

Toparchæ in Montschütz & Kan-
then, Judiciiq; Aulici in Wolaviens Circulo
PRÆSIDI,

Ec.

DOMINO AC PATRONO
SUO,

Quovis Honoris Obsequiique Cultu mactando,

Hoc Animi devinctissimi Monumentum,

Qua fas est, Reverentia offert

C. R.

JLLUSTRIS, GENEROSE,
DOMINE GRATIOSISSIME,



Emerarium committe-
re facinus videor, qui Equestri
Togæ pulveres hosce literarios
adspergere non verear, foetuque
haud satis maturo in Conspe-
ctum Tuum prodire aulim. Sane, si quid Cona-
tui

tui huic meo ob stare potuisset, illa Tui Nominis
 fuisset sublimitas ; nisi Virtutis generosæ Gratia,
 ex altera parte addidisset Animum, hocq; ipsum,
 quod detrectare videbar, mihi imperasset Obser-
 vantix officium. Quis autem est, cui innotuit
 Illustre Nomen Tuum, quin idem sciat, quantum
 Literis mansuetioribus statuas pretium, qua cu-
 piditate Ipse secteris Musas, iisdemque præbeas
 Aures pariter ac Animum, Teque Tibi ereptum
 totum iis devoveas? Tute Ipse Tibi Testis es,
 quanta voluptate perfusus Majorum Tuorum Ci-
 neres legas atque excutias, si quas forte in illis
 reperires scintillas, quibus Genti Tuæ faces pos-
 ses accendere : dum nempe antiquissimæ Tuæ
 Prosapiæ primos natales eruis, atque longinquam
 numerosamque Propaginem, difficillimis Co-
 gnationum nodis implexam, e Documentis ve-
 tustissimis labore improbo extricas, ac immor-
 tale

tale STOSCHIÆ Gentis Decus Tabulis Genealogicis luculentissime adstruis. In quo Virum Illustrem, DAVIDEM SCHWEINITZIUM, Avum Tuum Maternum, laudatissima æmulatione exprimis, qui typis vulgata Stemmatibus sui Genealogia, quot edidit Tabulas, tot præclara nunquam intermorituri Nominis, in Templo Honoris suspendit Anathemata.

His vero Literarum deliciis immersus, tantum abest, ut Homines Literatos, velut infra dignitatem constitutos, qui seculi mos est, averseris, ut vel maxime eorum consuetudine ac commercio recreari cupias: ne dicam de summa Tua in me Benevolentia, qui non tantum Accessu Colloquioq; Tuo, me, in hoc eruditi orbis Theatro ultimæ cavæ hominem, plus semel es dignatus; verum etiam MStum Codicem, primum inter

inter Recensus istos locum occupantem, benevolentissime mecum communicatum, studiis meis deesse noluiſti. Cur ergo TE quoque non accederem, aut ſaltem Codicem illum, cum humillima animi grati teſtificatione redderem? Hic culpam, hac compellatione contractam, diluet, liberumque parabit acceſſum. Neque, ſpero, quod Tuum eſt reſpues, aut aſpectu excludes, quod ob Argumenti affinitatem huic ſeſe adjunxit.

Accipe igitur, DOMINE GRATIOSISSIME, alterum hoc Miſcellaneorum ſpecimen, atq; a Tuo ſplendore, cum, quo deſtituitur, largire nitorem. Divinum autem Numen TE, Equeſtris Ordinis, atque Literatæ Nobilitatis SIDUS PERILLUSTRE, quam diutiſſime ſoſpitet atq; fortunet, faciatq;,, ut antiquiſſimæ æque ac florentiſſimæ Proſapiæ nunquam deſint, qui Prudentiæ



tiae laude, Meritorum Gloria, atque Eruditionis
Fama, Familiam suam ornent atque locupletent,
STOSCHII. Scribebam Wratislaviae V. Id.
Augusti A. O. R. M DCC XIII.



I.

SIGISMUNDI ROSITZ

Chronica: & Numerus Episcoporum Vratislaviensium.

Phil. Jeg.

Obscuri Nominis Scriptorem in medium produco, qui inter Historicos Silesios locum hætenus invenit nullum; quem tamen ab oblivione esse vindicandum, Codex, qui præ manibus est, suadere videtur. De quo vero quid dicam, nihil fere habeo, nisi quod nomen ipse suum duobus hujus Codicis locis prodidit memoriæ, iisdemque vitæ suæ rationem quodammodo aperuit. Primum ait, Artibus se dedisse operam Freyburgi, dum ad Annum 1421. scribit: *Eodem tempore Ego Sigismundus Rositz fui Scholasticus in Freyburgk.* Quantum ego conjicio, Freyburgum Silesiorum, in Ducatu Suidnicensi intelligendum est, quod, si amplius conjectare licet, indicio esse possit, fuisse Silesium, & vel eo ipso loco, vel in vicinia natum. Deinde vero Clericum factum esse, & Vratislaviæ sacra administrasse, ad Annum 1430. his verbis indicat: *Eodem Anno Ego Sigismundus Rositz recepi ordinationem in Quadragesima, & cantavi meam primam Missam Dominica Misericordias Domini in Ecclesia Beata Maria Virginis in Arena Vratislavia.* Unde an probari possit, eum adscriptum fuisse Ordini Canonorum Regularium S. Augustini in isto Monasterio, haud temere dixerim. Ex eodem tamen fundamento, Canonicus Lateranensis, Ordinis S. Augustini, in Monasterio D. Virginis, in
D Arena,

Arena, sic dicta Insula Vratislavia, sed corrupto nomine, Sigismundus Koseriz dicitur, in Ern. Frid. *Fischeri* Silesiis extra Silesiam Episcopis, pag. 30. Decad. I. quæ prodiit Schlichting, An. 1707.

Atque ex duobus hisce locis didici eum esse Codicis hujus Autorem, in fronte enim nomen exulat. Num vero sit Autographum, definire nolim. Dubitationem fere affert Scriptura haud satis curate expressa, cum permultæ voces (ut palam fiet deinceps) adeo depravatæ sint, ut vix emendari restituere possint, etiam in rebus recentioribus, Autori coævis: nisi forte dicamus, fieri potuisse, ut Rositzius ipse, dum non pauca ex aliis decerpfit, (passim enim citat antiqua Chronica) alienam manum minus recte legerit, neque melius expresserit calamo. De cujus ætate, si ex hoc opere judicium ferendum sit, cui annus 1470. finem imponit, eum sexagenarium decessisse crederem, cum Anno 1430. quo sacros ordines assumpsit, saltem vigesimum ætatis annum egisse existimem.

Codex, quem jam perlustrabimus, latîno sermone conscriptus est, ut liquet e duobus testimoniis superius allatis, sed stylo mire barbaro, ut ea ferebant tempora. In eo autem hoc ordine procedit Noster, ut initio exhibeat Catalogum Episcoporum Vratislaviensium, omiſſis Smogrenſibus Bicinensibusque, ordiens ab Hieronymo, ultimo Bicinensium, & primo Vratislaviensium Episcopo. Hos, excluso tamen Vito & Theodorico, ad Rudolphum usque productos, breviter perstringit, indicata plerorumque tantum electione & morte, paucis quibusdam interdum adjectis. Exemplo sint sequentia, quibus ipsum operis initium præmittimus.

Vratislaviensem, ut in Principum Polonorum reperitur Historiis, Casimirus primus, Monachus, Sub-Diaconus Cluniacensis Monaste-

nasterii, & ad Poloniae Regnum reductus, fundavit Ecclesiam, de quo etiam sunt hi versus:

Quondam per Monachum Regem Dominum Casimirum
Est institutus Wratislaus Pontificatus.

Hæc siquidem Ecclesia jam in tertio loco sita est. Fuit enim primo in Smograw, Namslaviensis Districtus. Secundo Riczen Bregens. Nunc autem in Vratislaviam est locata. Hujus Ecclesie primus Episcopus fuit Hieronymus, Nobilis Romanus, ordinatus Anno Domini 1051. qui & attulit Reliquias, scilicet Capita Sanctorum Vincentii Levitæ & Martyris, & Brachia Sanctorum Clementis, Georgii, Sebastiani, Martyrum. Obiit Anno Domini 1062.

Nonus Episcopus Vratislaviensis Valterus, ordinatus est Anno Domini 1148. Hujus temporibus Ecclesia Vratislaviensis murata est, quæ lignea fuit, & usque ad ejus tempora multi Episcoporum Poloniae ac Canonici & Sacerdotes uxorati fuerunt. Per eundem Episcopum institutum est officium Lugdunensis Ecclesie cantu & ordine in Ecclesia Vratislaviensi, quia in Lugdunensi Johannes Baptista est Patronus, & Administrator Ecclesie Vratislaviensis, Canonici Lugdunenses habent rubeas capas, & de Ecclesia Lugdunensi arma Ecclesie Vratislaviæ sex Liliorum (MS. Ecclesiarum) in campo rubeo sunt recepta. Hic Episcopus primo introduxit Conventum Monachorum in Leubes ordine sancti Benedicti.

Vicesimus quintus Episcopus Vratislaviensis, Dominus Rudolphus, Legatus, Episcopus Anno Domini 1468. confirmatus per Dominum Paulum, eodem Anno, die 27. Mensis Aprilis. Confirmatio publicata fuit in die Sancti Johannis Baptistæ in Ecclesia Vratislaviensi, coram Dominis Episcopo, Prælati, Canonicis, Clero, Consulatui ac Communitate cuncta. Cantatum fuit Te DE-

UM laudamus. Dominus Episcopus accessit ad Altare, & obtulit sex florenos Ungaricos, dando Benedictionem. Tandem ivit versus Nissam ad suscipiendum homagium. Revenit in die Udalrici & fuit reverenter susceptus a Clero & populo civitatis circa Sanctum Mauritium. Et a Prælatiis, Canonicis ac Clero ambarum Ecclesiarum in pede pontis prope Sanctum Petrum, ubi sua vestimenta exuit, quæ suscepta a Custodibus, Succustodibus, Sacristanis. Dominus Episcopus indutus fuit Capa Choralis & baculo pastoralis, introductus in Ecclesiam more solito. Sit Nomen Domini benedictum, Amen. Quibus verbis etiam finitur Catalogus Episcoporum seu pars prima.

Excipit hanc pars altera, multo prolixior, quæ continet Annales hoc titulo: *Sequuntur Gesta diversa transactis temporibus facta in Silesia & alibi.* In iis ab Anno 680. (cui mox succedit annus 1237.) ad Annum 1470. multa paucis complexus Autor, maxime res gestas Vratislaviensium persecutus est, in reliquarum urbium rebus parcius: quæ eum Vratislaviæ vixisse, plurimarumque rerum testem adfuisse arguunt. Exposuit Acta Ecclesiastica varia, turbas rei monetalis, multiplicesque ejus mutationes, Diffidationes, quas vocant, ac latrocinia prædonum, Hussitarum crudelitatem, eorumque clades & fata tristia, omnia quidem strictim, sed singularibus nonnunquam Circumstantiis, ita ut brevitate sua multorum defectibus succurrere possit. Quædam describemus:

Anno 1247. ibant primum flagellatores, pro destruenda fide Catholica.

Anno 1344. feria quarta post Ascensionis Domini in Synodo Diocesana Episcopus Vratislaviensis statuit Festum S. Hedvigis.

Anno 1349. ibant flagellatores secundo, ducti per quendam Diaconum hereticum de Vratislavia.

Anno

Anno 1422. Circa Festum Ascensionis Domini facta est subitanea mutatio monetæ Vratislaviæ. Nam monetati fuerunt novi denarii, cum capite sancti Johannis Baptistæ & Leone in circumferentia quadrangulari, de qua mutatione tam Clerus, quam populus notabile percepit damnum. Et hoc factum fuit per Nicolaum Rempel, (Ms. Tempil) & Bedam, sed non venerabilem. Unde quidam subscriptos Rhythmos composuit, & publice affixit;

Die Breßler haben funden einen neuen Fund/
 Sie schlagen uf die Heller Rempels Bart und Beden Hund/
 Das ist den Armen nicht gesund/
 Die Reichen schlingen es in ihren Mund/
 Versterben die Armen biß auf den Grund/
 Mit den Hellern/die sie verschlagen haben/manch Pfund.
 Wer denn das erdacht hat/
 Bey dem ist gewesen gut Rath.
 Und wil das vor die Wahrheit sprechen/
 Gott wird es an demselben rächen/
 Der solche Auffsayungen macht/
 Bey Tag und auch bey Nacht.
 Es reimt sich nicht gar gut ic.

Cum locus ille Nummorum Rempelianorum Bedavianorumque, vulgo Rempelbartheller/ genuinos natales, denominationisque veram rationem detegat; libuit rem expendere curatius, & peculiari observatione exponere: quæ, quod prolixior fuit, quam ut hic inspergatur, alio tempore, volente DEO, cum simili argumento, producenda erit.

Anno 1430. in die sanctæ Elizabeth fuit datum atque inditum Hæreticis nobile Castrum Ottmuchavv per Nicolaum Altzenavv & suos complices.

Anno 1431. die xvi. mensis Aprilis, quæ fuit feria sexta post Misericordias Domini, fuit captus atque Vratislaviam ductus Nicolaus Altzenavv, & statim in quatuor aciebus civitatis proclamatus, quod Castrum Ecclesiæ Vratislaviensis Ottmuchavv Hussitis tradidisset. Idem die decimo nono mensis ejusdem decollatus fuit coram pratorio Vratislaviensi.

Nicolaus ille antiqua Silesia prosapia oriundus, forte dominus fuit in Altzenau, qui pagus est Circuli Goldbergensis, in Lignicensi Ducatu. Sepulcrum nactus est in Templo S. Barbaræ Vratislavia, ejusque cingulum inauratum adhuc ostendi, suo tempore scripsit Polius in Hemerol. p. 102. ubi ad diem 16. Mart. Anno 1429, traditionem Castri Ottmuchoviensis factam esse notat, cui tamen alii quoque, una cum Nostro, adversantur. vid. Scholia Silesiogr. Henel. P. I. C VII. p. 415.

Anno 1444. in crastino Divisionis Apostolorum, Dominus Conradus Episcopus Vratisl. statuit in sua Diœcesi, quod ab Octava Corporis Christi, usque ad Adventum Domini, & ab Octava Epiphaniæ Domini, usque ad diem Cinerum, omni feria tertia Horæ teneantur de S. Johanne Baptista, & feria quinta de S. Hedvvige.

Anno 1453. Die 13. mensis Februarii dignus pater Johannes de Capistranus, ordinis fratrum minorum de observantia professor, intravit civitatem Vratislaviam plus quam 30. fratribus. Fuitque a Clero & populo cuncto circa sanctum Nicolaum processionabiliter susceptus, ac a Prælatiis, Canonicis, Clero ambarum Ecclesiarum circa sanctum Petrum cum Reliquiis absente Episcopo susceptus. Intravitque Ecclesiam Vratislaviensem, in qua cantatum fuit Te DEUM laudamus, pulsatis campanis omnibus, factaque recommendatione per Doctorem Casparum Regil regeneratus fuit, humiliter dando Benedictionem. Reductus est ad forum salis cum suis in domum olim Johannis Glotz. Prædicavit die Cinerum

rum in Ecclesia sanctæ Elizabeth, deinde in foro salis quasi singulis diebus latine. Dominica Judica ostendit speculum terribile, alias ein Hirschedel/ & imaginem sancti Bernhardi. Factaque fuit solennis processio de foro salis per Dominum Episcopum ambarum Ecclesiarum Parochialium, & Patris & fratrum, ad novam hæreditationem in nova civitate, pro fratribus noviter erectam. Item in profesto Annunciationis Dominicæ fuit erectus novus Chorus, & postea Ecclesia nova pro eisdem fratribus ibidem.

Anno eodem feria quarta post Cantate, die secunda mensis Junii capti & detenti fuerunt omnes Judæi in Vratislavia, receptis eorum bonis. Pro eo quod Sacramentum in Langevvese furatum a quadam muliere cujusdam famuli civitatis Vratislaviensis emerunt, quæ forcipibus igneis lacerata, cum eodem suo marito fuit cremata.

Conferri hic meretur Mich. Neander in Erotemat. Lingv. Hebr. p. 494. qui ex vetusto quodam monastico libro, speculum exemplorum nominato, Historiam haud disparem multis cum circumstantiis narrat, quæ etiam Vratislaviæ contigisse scribitur; cui respondere videntur, quæ in Scholiis Siles. Henel. C. VIII. p. 790. ad annum 1454. de mensa cruentata in Curia loco occultiore asservata leguntur.

Anno 1456. in Vigilia Nativitatis Mariæ exiverunt Vratislavia Cruce signati contra Turcos citra 13. centum cum XI. vexillis, conducti solenniter cum processione Sacerdotum & Scholarium Ecclesiæ sanctæ Elisabeth.

Anno 1458. Schola Ecclesiæ Sancti Johannis fuit sublimata. Vratislaviæ muro, sed non totaliter, quæ incepta fuit anno Domini 1425.

Anno 1460. fuit ædificata Schola apud Sanctum Vincentium pro Scholaribus, Missas ac Vesperas, ac cæteras Horas singulis diebus cantantibus.

Anno

Anno 1462. Die nona Januarii Vratislavienses incepterunt novum pontem inter Summum & Novam Civitatem, quem sequenti anno totaliter perfecerunt.

Conf. Rbonius Epist. III. lit. C. 3. ubi eadem referuntur. Estque Pons ille, cujus Buckisus meminit in Prolegomenis ad An. 1499. p. 118. §. II. scribens: Und durch solchen Bau (der Mauren und des Walles umb die Neustadt) gieng dergestalt der daselbst weiland gewesene Steg aus der Neustadt herüber ein/darauff vor Alters die Capitularen vor ansehender Bischofflicher Wahl pflegten hinüber in die Neustadt/nach der Probsten zum Heil. Geist zu gehen/und darinn das Veni Sancte Spiritus zu singen. Ubi notandum in Codice Rboniano, qui desinit An. 1466. addi de hoc ponte verba: Qui hoc anno pene dejectus est; & aliud MStum Germanicum, non diu stetisse dicit. Itaque multo ante munitionem Neapolis Vratislaviensis pons iste dejectus est, ut ita vix semel transitus ille ad decantandum Hymnum institui potuerit. Adhuc duo tantum Episcopi ab Anno 1462. ad finem seculi fuere electi, Rudolphus & Johannes IV. ut adeo ponte hoc, si stetisset ad An. 1499. non nisi bis usi fuerint. Caterum non negarem, transisse pontem Canonicos etiam alio tempore, & forte Festo Spiritus Sancti, ut Sacris ibi defungerentur. Sed his prolixius immorari nolo.

Anno 1467. Dominica Misericordias Domini Dominus Legatus (Rudolphus) volens sermonem in Circulo (foro) facere, exivit de Ecclesia Elizabeth, præcedentibus Dominis Prælatibus, & Canonicis Vratislaviensibus superpelliciatibus, excommunicando Jerschkonem, præsum Regem Bohemiæ, & omnes eidem adhaerentes, inobedientes Romanæ Ecclesiæ.

Dominica Jubilate Ostensionis Reliquiarum apud S. Vincent. Dominus Cantor Eccles. Vratislaviensis publice denunciavit præscriptos excommunicatos, Domino Legato ibidem præsentem.

Anno

Anno 1468. in die S. Vincentii Levitæ & Martyris, post matutinum, quidam turpissimus prædo, fur & latro violenter & audacter rapuit & abstulit de summo Altari imaginem S. Johannis Baptistæ argenteam, quæ constabat centum & triginta quinque florenos, O utinam combureretur!

Anno 1469. Feria quarta post Trinitatis, Vratislavienses præstiterunt Homagium Regi sedenti in palatio ad hoc specialiter facto, in acie Circuli, prope forum salinum, in præsentia duorum Legatorum ac Consiliariorum Imperialis Majestatis in hæc verba:

Wir Bürgermeister und Rathmanne/ und die ganze Gemein der Stadt Breslau/ schweren und globen vor Uns/ und vor all unsere Nachkommen/ daß wir von diesem heutigen Tage allezeit getraw und gehorsam wollen seyn Euch Allerdurchleuchtigsten Fürsten und Herrn/ Herrn Matthiaschen/ Könige zu Böhmben/ weder alle Menschen/ und daß wir Euer Ehr und Euch nach unserm Vermögen allezeit getreulich schaffen und thuen wollen/ und Euren Schaden und Arges behüten/ und alle Ding/ die zu der Krone Behem gehörig/ getreulich halden und thun wollen/ als getreue Unterthanen/ als uns GOTT helffe/ und alle Heiligen. Amen.

Anno eodem in die Corporis Christi Dominus Episcopus cantavit summam Missam in Regis præsentia, qua finita, fuit solennis Processio, de summo usque ad medium Circuli, præsentem Domino de Brandenburg, & quinque Duces Silesiæ, scilicet Saganensis, Glogoviensis, Legnicensis & Olsnicenses portaverunt velum sub (forsitan super) Sacramento, tempore pluviali.

II.

JACOBI SCHICKFUSII
Consuetudines Feudales Silesiæ.

Lucem adspexit Schickfusius Suibusii in Glogoviensi Ducatu, Anno 1574. die 21. Januarii, Genitorem nactus *Bonaventuram*, vectigalium regionum ibi Præfectum ac Pro-Consulem, matremque Hedvvigem *Guschnanniam*. Themidi litaturus solidum Philosophiæ subdebat fundamentum, cum in Scholis publicis, tum in Academiis, Basiliensi, Argentoratensi, Jenensi, Francofurtana. Basileæ etiam Laurea Philosophica mactatur, & Francofurti a Secretis constituitur Academia, ubi & Elisabetham Benckendorffiam uxorem duxit. Septennium hoc officio defunctus, Anno 1604. Bregam adsciscitur, Rector Professorque Gymnasii illustris futurus: cui etiam, novis legum institutis cœtum scholasticum obfirmando, ædificium insignibus Juventutis equestris exornando, pubemque artibus optimis feliciter instruendo, maximo cum applausu præfuit per novennium. Summis deinde decoratus Juris honoribus, accepto a *Johanne Christiano* Brengensium, & postea *Georgio Rudolpho* Lignicensium Ducibus, Consiliarii axioma, suscipiendarum rerum atque Consiliorum in Legationibus, Causis Consistorialibus, Conventibusque Principum, habitus est particeps; donec Anno 1624. a *Ferdinando II.* Imperatore, cum honoribus Consiliarii Cæsarei, Fiscus per Silesiam Superiorem ipsi committeretur Patrocinium: quo in munere ad obitum usque perstitit, denatus Vratislaviæ die 15. Septembris, Anno 1637. ætatis 63. Cunradi Sil. Tog. talem exhibet:

Me Sophia & Pallas Clario yovere Lyceo;

Culmen at Æquidicum jussit adire Themis.

Dignum

Dignum meritis suis Encomiasten Noster habuit Henelium, qui in Silesia Togata Schickfusianis manibus insigni parentavit Elogio, quod vide inter Scholia Silesiogr. Henel. Cap. VII. p. 544. Quibus addenda Carmina gratulatoria, novo Fisci Patrono ab amicis scripta, in quibus primo loco omnes ejus Antecessores soluta Oratione enumerantur, unde Patronorum Fisci Catalogum confecit Frid. Luca Chron. p. 2093. nemine præterea post Schickfusium addito, præter Christianum Franzium, eo tempore viventem. Conferatur idem Luca p. 555. qui tamen in Nostrum tantum non ubique injurius est. Nonnulla etiam, quæ studia ejus spectant, in præfatione Chronici sui ipse exposuit & Lib. IV. C. 27. p. 161. plura de majoribus & cognatis leguntur.

Jacobo huic ortum debet Schickfusiorum in Ducatu Bregensi hodiernum florentissima familia, cujus insignia, in Scholiis Henelianis prætermissa, exhibent in Clypeo Leonem coronatum, dextram gerentem stellam, & supra Galeam inter duas alas pedem Gryphis cum stella. Ad quæ Johannes Hermannus, Pastor quondam Cœbenensis hoc Epigrammate allusit:

*Sicut hyperborei pes Gryphis naviter Astrum
Alarum gemina prendere flagrat ope:
Alis Pieridum sic inter Sidera Cœli
Stirpis Schickfusie tendere flagrat honor.
In scuto veluti nitido Leo collocat Astro,
Inter quadrupedes regia fama, Pedem:
Schickfusium sic stemma vehit super æthera Caesar,
Inter terrenos Gloria summa Deos.*

Scripta ejus Henelius Elogio jam citato ita recenset: Bono publico edidit Annales Silesia Curæanos, insigni accessione ab se locupletatos: sed quibus non parem ab omnibus gratiam promeruit. Sacratissimos Psalmorum Davidis libros vario Carminum genere expressit. Scripsit & Conciliationes Peripateticas, Synopsis Institutionum Imperiali-

rialium, & quædam alia, quæ prosa, quæ versa oratione: cumprimis, Consuetudines Silesiæ feudales; sed quas in publicam lucem dare, quod maxime cupiebat, letho præpeditus non potuit. Idem etiam Henelius, postquam eandem de Jure feudali Silesiorum materiam breviter excusserat, tandem ad Schickfusii atque Schönborneri, Duumvirorum excellentissimorum labores ejusdem argumenti MStos provocans, non sine debita laudis commemoratione utrumque dimittit, Silesiogr. Renov. Cap. VIII. p. 634. Add. Henning. Witte Diar. Biograph. ad An. 1636.

Duobus vero potissimum Operibus inclaruit Noster, Chronico Silesiaco & Consuetudinibus Feudalibus, quibus velut alis in sublime vectus, Civium populariumque suorum ora pervolitavit, ac æternum nomini conciliavit decus. Ea Hankius Noster in Coll. MSto de Reb. Siles. his verbis describit: *Germanice scripsit Silesiæ Chronicon Libris IV. ab initio Silesiorum gentis ad Matthias Cæsaris, Bohemia Regis, Silesiæ Ducis obitum An. 1619: editum est Jenæ 1625. in fol. Præterea latine scripsit Opus de Jure feudali Silesiorum, in quo Feudorum secundum Jus & Commune & Silesiacum Differentias; Silesiacorum Personas, Res, Investituras, Acquisitiones, Successiones, Corruptiones exponit: reperitur adhuc MStum.* De utroque agere constitui, illo quidem peculiari, quæ sequitur, Tractatione, qua fata ejus percensebuntur: hoc autem, quod hujus est loci, in præsens dicendi materiam aperit.

Opus istud Capitibus XXI. absolvitur, quorum contenta atque summaria omnia huc transferimus, ita quidem, ut cuilibet Capiti simul subjiciantur summaria alia, ab Autore ipso concinnata, operique præmissa, in quibus, collato Jure Communi feudali, cum Consuetudinibus Silesiacis feudalibus, quid illo fieri debeat, his vero usu venire soleat, ostenditur.

Præludium; De Juris feudalis Origine, ac Consuetudinis potestate.

Cap. I.

Cap. I. De Feudorum natura generali & speciali in Silesia.

Jus Commune statuit Feudum in dubio censeretur rectum: in Silesia vero semper obliquum.

Cap. II. De Personis & Rebus feudalibus.

De Jure Communi Dominus resignatum Feudum in manus, retinet per annum: in Silesia Dominus mox resignatum fundum vasallo concedit.

Cap. III. De Investitura.

De J. C. Hasta, Annulo, Baculo, Gladio, Vexillo datur Investitura: in Silesia tales solennitates in feudis singillatim non adhibentur.

Cap. IV. De Investitura simultanea.

De J. C. habent illi Vasalli simultaneam, qui in Investitura sunt comprehensi: in Sil. fratres, fratrumque filii habent perpetuam quandam simultaneam vi privilegii.

Cap. V. De Feudi acquirendi modis.

De J. C. Feuda sunt quadam servitutis: in Sil. Feuda non sunt servitutis.

Cap. VI. De Fidelitate, quam Vasallus Feudi Domino præstare debet.

De J. C. præstant Vasalli specialem fidelitatem Vasallagii: in Sil. maximam partem non præstant illam.

Cap. VII. De Instrumentis investituralibus.

De J. C. fidelitatis Juramentum inseritur Investitura: in Sil. valet investitura antiqua, etiamsi Juramentum non est insertum.

Cap. VIII. De Investitura vetusta Belconiensis & Parchviciensis ex Dd. extraneorum sententia.

De J. C. titulis inseri debet Investitura: in Sil. valet Investitura antiqua, etiam absque ullo inserto titulo.

Cap. IX. De fundamentis Investituræ Belconiensis & Parchviciensis antiquas propugnantibus.

De J. C. Vasallus incerta servitia præstare solet: in Sil. certa & determinata servitia Vasallus præstat.

Cap. X. De Rationibus, Dd. extraneorum opinionem evertentibus.

De J. C. quilibet fundus in dubio pro Allodio habendus: in Sil. quilibet fundus in dubio olim pro feudali habebatur.

Cap. XI. De Investitura Pleurochoriensis five Seitendorffensis, quæ ut feudalis defenditur.

De J. C. Feudum non est communiter hereditarium: in Sil. Feudum est communiter hereditarium.

Cap. XII. De Investitura Kleutscheniensis, quæ examinatur, & ut feudalis propugnatur.

De J. C. si in Investitura sunt Allodii & Feudi verba significativa, tunc ob præsumptionem libertatis præsumitur Allodium: in Sil. vero hoc casu in antiquis investituris præsumitur Feudum.

Cap. XIII. De Feudis Episcopalibus Burganico, Goeltscheni, & Kühschmalcensi.

De J. C. Vasallus ultimam aut primam Investituram edere potest: in Sil. Vasallus tenetur edere primam, intermediam & ultimam.

Cap. XIV. De Tadelvvicio, & Leostenensi scultetia, feudis in territorio Francksteinensi.

De J. C. Si Vasallus Feudum negat, Dominus tenetur edere titulum: in Sil. si Vasallus feudum negat, tunc Vasallus tenetur edere suas investituras.

Cap. XV. De Instrumento investiturali, sine verbo feudali.

De J. C. Investitura feudalis habet verba feudalia: in Sil. Investitura feudalis antiqua constitit etiam sine verbo feudali.

Cap. XVI. De Instrumento investiturali, cum sola clausula reservatoria aut relativa.

De J. C. verba feudalia reperiuntur in narratione & dispositione: in Sil. Investitura consistit, modo in fine feudalia nominentur per clausulam reservatoriam & relativam.

Cap. XVII.

Cap. XVII. De Successione in Feudis.

De J. C. Successio in Feudis ex testamento est nulla: in Sil. Vasalli succedunt ex Testamento.

Cap. XVIII. De Investiturarum Renovationibus.

De J. C. Investitura Domino & Vasallo mortuo sunt renovanda: in Sil. ad talem Renovationem plerique Vasalli, vel hujus heredes non obligantur.

Cap. XIX. De Jure Domini & Vasalli in Feudo.

De J. C. Feudum non potest sine Consensu Domini & Agnatorum, a Vasallo abalienari: in Sil. conceduntur Feuda cum quadam alienandi facultate.

Cap. XX. De Causis Feudum corrumpentibus.

De J. C. Feudum est instar Usus Fructus: in Sil. Feudum est instar patrimonialis boni.

Cap. XXI. De Fisco aperta Feuda exigente, & singularia sua privilegia habente.

De J. C. Fiscus omnia ex Legum ordine tractare debet: ast in Sil. Fiscus habet privilegia singularia, qua enumerantur.

Habes hic B. L. Sciagraphiam Operis integram, ex qua, quid habeat in recessu, haud difficulter erit cognoscere. Plurima documentis publicis sunt declarata atque firmata: tandemque finem imponit Index rerum locupletissimus, qui tamen in quibusdam desideratur. Cæterum quem usum hodie in Silesia scriptum hoc, quod multorum manibus teritur, præstet, Jurium Silesiacorum peritis cognitum perspectumque est, neque a me, Juris istius notitia haud satis instructo, quisquam de eo requirat judicium, quod magnus ille Jctus, Henelius, eodem in argumento occupatus, suspendere maluit, Sil. Ren. C. VIII. §. 127. p. 619. cujus etiam verba hic mea facio, ipseque adeo peritioribus aliis judicandum libenter relinquo, quorum præcipue est hæc talia ex professo tractare.

III.
FATA CHRONICI SCHICK-
FUSIANI.

Non parem ab omnibus gratiam Chronico suo promeruisse Schickfusium, antea verbis Henelii diximus: illud autem quid sit, exponendum nunc est. Postquam nimirum Joachimus Curæus, Med. D. Annales Silesiæ, ab origine gentis, ad An. 1526. & quod excurrit, Wittebergæ An. 1571. ediderat; eos Henricus Rathelius, Consul Saganensis, in Germanicum Idiomma suasu Curæi aliorumque translatos, cum supplemento Rerum Polonicarum, Livonicarum, Moscoviticarum & Suecicarum, Francof. ad Moen. Lipsiæ & Wittebergæ An. 1585. in 4. emisit. Deinde posterioribus curis lustratos, & tertia parte ad Annum usque 1594. ab eodem auctos, liberi & heredes Rathelii, ipso jam An. 1594. labori immortuo, exscribi curarunt Islebiæ An. 1601. in folio: cui editioni adhuc accessit Saganense, Prebusiense & Naumburgense Chronicon. Denuo vero prelo submissi Annales, addito superioribus supplementis auctario novo, de rebus urbibusque Silesiæ Laurentii Peccensteinii, Historici Saxonici, prodierunt Lipsiæ An. 1607. in fol.

Hos Annales, quamvis auctos, ubique hiulcos deprehendens Schickfusus, supplendos sibi sumsit, editoque Prodomo aliquo, instituti sui rationem aperuit: tandem vero interpolatos, & ad An. 1619. productos, volumine satis amplo in fol. edidit Jenæ An. 1625, sumtibus Bibliopolarum Vratislaviensium, puta Heredum Eyerlingianorum & Johannis Perferti. Cujus Operis, quod Chronicon Silesiæ auctum appellabatur, uti fundamentum erant Annales Curæani; ita etiam verba omnia Curæi, ex versione Rathelii Germanica Schickfusus retinuerat. Quæ cum non usque quaque proba-

probarentur, & nonnunquam liberius acriusque prolata viderentur; accidit, ut Chronicon hoc recens Censuram incurrens, passim castigaretur, culpamque ab aliis impune contractam, suo damno dilueret. Tum variis locis, indubie ab Autore ipso, mutatum est, expunctis iis, quæ videbantur injuriosa, aliisque in eorum locum substitutis.

Quæ causa est, quare duæ editiones Chronici Schickfusiani vulgo circumferri credantur, quarum alteram genuinam, alteram vero castratam vel emendatam nuncupant. Quodnam autem inter utramque intercedat discrimen, aut quibus locis alterutra obelo notata sit, hætenus indicavit nemo: nisi quod Celeberrimus Gryphius, unus fere, discriminis hujus mentionem faciat, *videndum hic*, inquit, *inprimis est, ut editione sincera, & non castrata uti liceat*, Appar. de Script. Sec. XVII. p. 173, ubi tamen particula negativa, quæ deest, ex MSto supplenda. Plurimi assertioni suæ, de diversis editionibus, in Frontispicio operis præsidium quærunt, cum in quibusdam non Jenam, sed Lipsiam præfixam legunt. Ast infirmum hoc esse argumentum, patebit deinceps. Quod autem Inscriptio ex parte mutata sit, ita ut non tantum Lipsia, sed etiam Lipsienses Bibliopolæ adscripti fuerint; id argumento esse posset, Bibliopolas nostrates ea pœna (nisi etiam graviore) multatos esse, ut libro vendendo abstinerent. Et memini me legisse in Annalibus MStis, Johannem Perfertum, Bibliopolam, Johannis Eyerlingii generum, An. 1625. quo Opus hoc editum est, violentas sibi manus intulisse, ictuque sclopi semetipsum interfecisse: Quod fatum mutationi istius Libri quidam adscribunt; an vere, peritiores noverint.

Ut ergo dicamus, in quo diversitas consistat, ante omnia monemus, non dari Editiones duas Chronici Schickfusiani, utpote quod a prima sua impressione non amplius recusum est; sed diversa tantum primæ illius unicæque Editionis extare exempla, quorum

rum nonnulla passim locorum mutationes varias subierunt, & foliis quibusdam Lipsiæ denuo expressis, aliam quodammodo faciem visa sunt induere. Fieri autem vix potest, ut folia illa recusa, evolventium oculis se subducant, quin sui a reliquis differentiam, manifeste prodant, cum charta in iis appareat candidior firmiorq; & typi aliquanto sint nitidiores Jenensibus, ac inprimis lemmata margini adscripta literarum magnitudine satis promineant: ne dicam de columnis, quas vocant, seu paginis interdum justo brevioribus.

Jam de ipsis locorum variationibus dispiciemus, & præ cæteris inscriptiones conferemus. Prior in hæc verba desinit: Mit sonderbarem Chursl. Sächsischen Privilegio. Jena. In Verlegung Hanns Eyerings Seel. Erben/ und Johann Perferts/ Buchhändler in Breslaw. Altera vero mutata ita sonat: Mit sonderbaren Röm. Kayserslich. und Chursl. Sächsischen Privilegiis, Leipzig. In Verlegung Zachar. Schürers und Matth. Götzgens/ Buchhändler. Loca autem ipsa, quæ fuere mutata, aut deleta penitus, surrogatis in vicem eorum verbis rebusque aliis, adferre integra, nimis prolixum foret: ne tamen eorum prorsus ignari dimittantur Lectores, unum alterumve tantum indicabimus, quorum ope exemplaria inter se componi discernique possint, in reliquis paginas lineasque indicasse suffecerit,

Libro I.

Pag. 32. lin. 22. a fine: Es waren bey Regierung ic. ad verba: dazumahl die Klöster.

lin. 11. a fin. de scholis Polonia: Und obwohl ic. quæ ita commendata sunt: Diese sind die rechten seminaria, infra lib. 2. c. 40. f. 145. darinnen die jungen Himmels-Pflänzlein recht ge-

gewartet / gebeugt / und also zubereitet werden / daß sie hernach zu dem Dienste Gottes in Kirchen und Schulen / denn auch zu dem Regiment in dero Policen und Häuslichem Zustande nützlichen / und mit sonderbahrer Prosperität dero lieben Nachfahren wohl zu gebrauchen.

P. 44. l. 8. diese Fabel etc. dieses stellet man allhier an seinem Ort / und weiß man aus den alten Historien und Geschichten / daß derogleichen in Schweiz vorgegeben worden / da im Kloster zu Seckingen / Trudelinus ein Schotte A. 500. ein solch Miracul mit ebenmäßigen Umständen solle gethan haben. Dieses aber mit Stanislaos ist ums 1074. Jahr fürgegangen / gleich als Gregorius der Papst aus Schluß eines Synodi die Simoniacos aus der Kirchen stossen / und die beweibten Clericos von dem göttlichen Amt removiren lassen.

P. 44. l. 36 -- 39.

P. 61. l. 13. a fin. de conjugio Clericorum abrogato.

P. 86. l. 19. de Johanne Husso.

P. 89. l. 32. -- 38.

P. 90. l. 8. & 21. de combustione Hussi.

l. 36. de Ecclipsi solari.

P. 92. l. 3. tota; & l. 11. & 18. pro Bábstischen: Catholischen.

P. 113. l. 17. Judicium de Capistrano.

P. 129. verba quædam ex l. 10. 11. a fin.

P. 153. l. 1. - 4. de Jubilæo.

P. 163. l. 17. a fin. ad l. 17. p. 164.

P. 165. l. 4. -- 42.

P. 173. l. 5. -- 10. & l. 17. -- 21. de Hieron. Savanorola.

l. 34. -- 41. Bellum Maximiliani cum Helvetiis.

P. 176. l. 22. -- 34. de Academia Vratislaviensi.

P. 189. l. 17. -- 27. de Reformatione Lutheri.

p. 195.

- p. 195. l. 27. -- 30. de Lutheri propositionibus ex Pathmo.
 p. 199. l. 14. & 32.
 p. 201. verba priora ex lin. 13.

Libro III.

- Pag. 17. Vita Timothæi & Hieronymi integra,
 p. 18. Vita Johannis I.
 p. 19. Vita Imislai, Johannis II. VValtheri.
 p. 20. Nonnihil in vita Francisci & Jaroslai.
 p. 21. In vitis Laurentii, Thomæ I. & II. verba quædam, & marginalia addita.
 p. 23. l. 3. Ultima vitæ Preceslai, & Theodorici vita integra,
 l. 10 a fin. verba quædam ex vita Cunradi.
 p. 24. l. 14. ultima vitæ Petri.
 p. 25. l. 8-12. quædam ex vita Rudolphi.
 & l. 35-39. ex vita Johannis IV.
 p. 27. l. 21. Ultima vitæ Johannis V. quæ apponimus: Denn er bauete viel Bischöffliche Sîze / wie auch den Johannes-Berg/ als er das alte Schloß Kaldenstein abtragen / und mit schweren Unkosten dasjenige Haus / unter heutigen Nahmen/ zu seines Nahmens Gedächtnuß auffsetzen lassen. Dieser Bischoff Turso regierete bis aufs 1520. Jahr / da starb er den 11. Monats-Tag Augusti, zur Neiß / daß aber seine Leiche solle mehrentheils im Schloß zur Neisse verbronnen seyn/ wie oben Lib. I. Cap. 39. fol. 191. aus gemeiner Leute Reden referiret worden/ meldet Johann Longinus gar nicht/ derowegen man solches in seinen Ort stellet.

In II. & IV. Libro nihil quod Censuram mereretur repertum.
 est,

est, adeoque intacti illibatique mansere. In Præfationis vero seu Dedicationis titulis voces *Wol-Ehrwürdige* = *Andächtige* / suis locis insertæ fuerunt; ubi verba: *wie auch den Wolgebornen Freyherren* / ita emendantur: *wie auch denen Wol-Ehrwürdigen* / *Wolgebornen und Andächtigen* / omissa voce: *Freyherren*. Ipsa autem Præfatio ita incipit: *Hochwürdigster* / *Durchläuchtigster Erb-Herzog* / *Durchleuchte* / *Hochgeborne Fürsten* / *Gnädigste und Gnädige Fürsten und Herren* / *Wol-Ehrwürdige* / *Wolgeborne* / *Andächtige* / *Gnädige Herren* / *ic.*

At vero liberandus est ab injuria meritissimus Schickfusus, qui in his locis sua culpa non peccaverat, ut supra jam indicavimus. Omnia enim illa quæ expuncta, deleta, variata & mutata, aut virga censoria notata fuerunt, ex unius Curæi profluxerunt calamo, e cujus deinde fontibus in Ræthelii Translationem, & Schickfusii Continuationem derivata sunt. Etenim opus Schickfusianum ad Curæanas editiones, Latinam æque ac Germanicas, collatione facta, exegi, eademque verba utrinque deprehendi: nisi quod mitiora Curæi verba, duriuscule nonnunquam, & cum aculeis expresserit Ræthelius: quæ omnia Schickfusus retinuit, verbaque prout jacebant, Chronico suo inseruit, de suo nihil, & ne verbum quidem, iis in locis, adjiciens,

Objici posset: Uno fortasse loco hallucinatum esse Schickfusium, cum in vita Preceslai Episcopi L. 3. p. 23. scribit: Eum eximie veneratum esse *Godofredum*, primum Silesiorum Episcopum, tanquam Datorem tantæ felicitatis, illique novos cultus instituisse; cum tamen apud Curæum ea de *Gothardo* perhibeantur, nullius facta mentione Godofredi. Verum hic quoque error est Ræthelii, qui vel ob nomen perperam inspectum, vel erroneum illud judi-

cans, vel errante inter vertendum calamo, pro Gothardo substituit Godofredum. Quod erratum retinuit quidem Schickfufius, & quodammodo suum fecit, postea vero emendatum veritati restituit. Ast Frid, *Luce Chro.* P. I. p. 255, tanquam veritati consentaneum, non modo repetiit, verum etiam rem explicatiorem facturus, ait: Animum fuisse Preceslao, Godofredum hunc sanctorum numero inferere, ideoque festos dies in honorem ejus Clericis suis injunxisse: quæ tamen omnia de Gothardo intelligenda sunt, qui autem tum in sanctorum numero jam erat. Vid. Buckii Proleg. Hist. Eccl. Sil. p. 38, & Henel. Sil. Ren. Cap. VIII. p. 97.

Non possum autem quin hic addam, publiceque tester, me Schickfufii perlustrandi copiam, sicubi facta fuerit, non facile prætermisisse, & tamen post intemeratum illud Exemplum toties visum, nonnisi unicum emendatum oculis meis usurpare potuisse; idque tum demum, cum finita hac observatione, jam in eo essem, ut schedas istas prelo submittendas traderem. Quæ vero superius jam consignata erant loca, non ex impresso codice, sed ex schedis MStis, impresso codici insertis, ab emendato tamen exemplo descriptis, excerpseram: quibus deinde, quantum per angustiam temporis licebat, cum eo, quod nactus eram, denuo collatis, vera esse deprehendi, quæ initio conjectando scripseram, folia tantum, quædam, non integrum opus, recusa fuisse.

Exinde liquet, rarissima esse exempla emendata, aut saltem folia illa recusa. Raritatis autem istius causa forte hæc erit, quod statim ab impressione sua magna copia divenditi, permutatique, fuerint libri sinceri & genuini, emendatioque aliquanto serius sit instituta. Aut fieri etiam potuit, ut Bibliopolæ Lipsienses, quos a Vratislaviensibus Librum hunc prohibitum redemisse autumo, mutatam quidem inscriptionem aut titulum præfixerint, sed posthabita

habita censura novella, omiffisque plagulis aut foliis recufis, neque fuo loco infperfis, opus hoc confervaverint integrum, & impune vendiderint, freti Regionis Principisque prafidio. Cavendum, itaque, ne quis titulo decipiatur. Non enim omnis codex, qui Lipfiam in fronte gerit, eft emendatus: vidi ego hujus generis unum atque alterum, qui tamen mutationem non subierant. Sic etiam infcriptio, quæ Jenam præfert, non femper certum de genuino codice testimonium perhibere poffet, nifi contextus quoque eidem refponderet. Omnium optimum *κεκτημενον* eft, quod ex infpectione chartæ & typorum refultat, ut fupra monui.

Indicata itaque Exemplarium diverfitate, quæri poffet, utrum fit præftantius, alterique præferendum? In pretio eft intemperatum illud atque genuinum, quod vulgo Jenenfem editionem vocant, fatisque notum eft, id ab unoquoque certatim expeti, iis etiam, quibus acrimonia illa ftili, quæ cenfuræ mutationique anfam dedit, minus probatur. Verum fi ex eo, quo nunc ambo funt, ftatu judicium ferendum fit, ego emendato pretium majus ftatuumdum, alterique id præferendum cenferem, propterea quod vel fola raritas pro ipfo pugnare videatur. Nec eft quod quis exiftimet, mutatione ifta detrimentum aliquod afferri veritati hiftoriæ; cum multa fint ab Hiftoria Silefiæ aliena, cætera vero absque ullo negotio aliunde poffint reftitui. Et præterea facile fuerit emendati operis poffeffori loca variata petere ex genuino, ubique fere in Bibliothecis obvio; vice autem verfa non item. Quod fi vero loca ifta mutata, peculiaribus fchedis exfcriberentur, ut genuinis atque finceris codicibus poffint adjungi: rara illa Exemplaria cum fuis emendationibus non magnopere defiderarentur.

Hæc funt Fata illa Chronici Schickfufiani, cujus ortus tam inauspicatus fuerat, quin imo jam conclamatus, ut propemodum ætæ
ætum

Etum de eo esse videretur; quod autem nunc, cum secularem fere ætatem attigit, ad tantam famæ celebritatem surrexit, ut Schickfusius omnibus Annalium Silesiacorum Conditoribus jure meritoque palmam præripiat, neque intra seculi decursum fuerit quisquam, qui palmam ei dubiam reddere potuerit. Unde etiam non obscure liquet ratio, cur rarefcentibus Exemplaribus omnibus, & in tabernis librariis ubique exulantibus, aut non nisi rarissime apparentibus, opus hoc carissimo, ac insolito prorsus, in diesque crescente pretio apud nos liceat, & multis de nova sui editione, atq; etiam continuatione desideria nequicquam extorqueat.

Cæterum publicæ hic decernendæ sunt gratiæ, Patronis atq; Fautoribus, quovis obsequii officique genere colendis, qui exaratis ad me literis, transmissisque codicibus MStis, aut Excerptis sufficientibus, reculas meas liberaliter locupletare, & hosce qualescunque conatus juvare studuerunt: simulque alii harum literarum studiosi orandi atque obtestandi, ut eandem cum illis mihi largiantur benevolentiam atque humanitatem, studiisque hisce, meis sua ope faveant, persuasissimumque habeant, maximam quidem a me, multo vero majorem ab aliis historiæ patriæ Amatoribus sese inituros esse gratiam, meque semper cognituros memorem illius Rhoniani;

Docti meliora, sequemur.



BIBLIOTHECA
VNI. IACELL.
CRACOVILSIS

- [illegible]

46. In West von Delfion.

47. Dif. S. Rhodii Francus. de Leopelione ubi gradum ad Episcopa
Vratislaviens. impressa

48. Dif. Prof. S. Dailenberg. Matthraus: de Jure Personarum Ducatu
Oppolitiensis et Ratisbonensis. 1700.

49. Dif. Viteb. S. Gribneri: de terris Juris Saxoni.

1/2

1/2

12

